

詒晉齋集

詒晉齋集卷三

乙巳二

成親王著

和李嶠詠物詩一百二十首

日

日出經滄海先輝建木枝
重輪暘谷現五色上林
地登岱聞雞唱周天並
驥馳萬方陽德炳長此
仰堯曦

月

循緯開清景增華向盛時
冰輪涵水面玉樹映山
眉緩度王曇曲高臨阮
籍惟洞庭秋霽後桂楫
好遊嬉

星

七政樞機啟三陽歲月新
西藩曾紀晉東井亦上
秦旁座爲郎位環台有
帝臣羣欣拱南極晷德
頌宜人

風

演漾吹春沼，葳蕤入夏林。清傳周相頌，光入楚人吟。
遠韻常飄笛，和聲自叶琴。延涼高閣上，千里一開襟。

雲

金光生寶鼎，玉葉結瑤臺。片影隨舒卷，奇峯忽去來。
山川乘氣象，雨雪淨氛埃。化就飛鵬翼，南溟擊浪回。

烟

暮靄澄江起，朝嵐遠岫微。濕因穿雨陣，薄欲襯雲衣。
半帶青林影，初含紫閣暉。倘非圖畫著，縹緲不勝飛。

露

潤生三月夜，香裊萬花叢。有味金盤上，無聲寶甕中。
朶葭秋在水，菡萏曉傾風。湛湛開嘉讌，承恩向帝宮。

霧

夏后留神井崆峒近廣城魚跳兼水翳金碎映沙明化蜃
偏能幻疑烟又復輕韓公禱衡嶽感激動民情

雨

正喜崇朝遍知從岱嶽來常教霑布漙那用歎昭回玉女
盆初倒龍君隊乍開三農豐百穀何樂與同哉

雪

晶熒原一色揮霍自層霄薄凍生中夜同雲釀昨朝千村
知麥熟萬樹訝梅飄點向貂裘上霑濡玉闕朝

山

八紘分部位萬仞軼烟氛天作皆爲鎮神憑會出雲從橫
泉與界錯落石成紋玉檢登封事真須笑漢君

石

孕氣初爲核含稜似有威磬聲浮泗響鵲影向梁飛何事
山頭望他年圯上歸至今傳八陣丞相有神機

原

陟降遷幽日營成入謝年連岡聞鳳集傍藪見牛眠乍被
離離草還開膾膾田摩挲石鼓字惜此逸詩篇

野

曾聞鶴聲遠更顧馬羣空傳築形方肖莘耕道轉通寬閒
春草碧莽蒼曉暎紅久輟遺賢歎都歸魏闕中

田

于耜將東作農祥告令辰溝塍紛錯繡畛隰儼鋪鱗千耦
皆同力三時有貢新盈寧歌正起率育不憂貧

道

楚人曾絕棧漢使亦開邛最喜如弦直何須築甬重天街
調玉馬帝里敝銅龍蕩蕩惟今代殊方鷁鰈逢

海

百川東到海大受豈其微壺嶠連山湧滄溟鼓浪雲垂
九天重日出萬方輝帝命元圭錫朝宗得所歸

江

到海中江入爲沱遠脉回濫觴源直泝鑄鏡浪圓開九派
分流去南條錫貢來靈胥空蕩激又有射潮才

河

原缺第八句今補韻

一氣貫區中洋洋動太空龍門神禹蹟瓠子漢皇宮
明禋薦金繩瑞應通真源流潤廣四瀆表宗功

洛

採得明珠耀尋來藻玉新
龜龍呈盛世瀝澗會前津
綠氏曾留蹟浮邱或遇人
惟周營大邑和會四方臻

城

規模隆上國法象鞏皇都
玉關憑千仞丹樓起四隅
曾聞逢化雉更說驗飛鳥
豈有漢都邑縱橫霍氏奴

門

通門初闢路列戟盡趨隈
清曙歲蕤啟層霄詆蕩開
苑臨飛兔入人過濯龍來
洞達明堂上旁招天下才

市

開場貨所聚分隧衆相尋
執轡故逢客賣文嘗碎琴
赴岐來北海李白宿淮陰
攬有齊人者心中只見金

井

養人資日用受福遇明君已照七星穴還昇五色雲丹砂
春月靜玉檻午風薰路向河間訪應傳邵氏文

宅

未須更近市真合愛吾廬東海談經舍嶧陽載酒車好山
相對處佳樹買來初一自聞鐘磬千秋見古書

池

興慶開唐室昆明記漢家光輝到鳬雁香氣結雲霞方響
傳聲遠嘉蓮弄影斜澄渟涵皓月何必洞庭賒

樓

招涼臨水側攬景傍岩隈畫拱虹霓繞珠簾夜月開飛鴻
何處去長笛一聲來此興誰曾淺端須作賦才

橋

人臨霸岸別客過虎溪歸海道
龜鼉駕星期烏鵲飛採虹
乘窈窕玩月入光輝秋水時當至成梁衆所依

經

聖經傳萬代昭若日星明漢室淵源接唐家疏義成不應
兼識緯何況比金籙一洗羣儒習方爲曠世英

史

紀事惟求實行文豈尚新春秋真赫赫公穀漸彬彬春秋本魯史左傳公羊穀梁爲承春秋而紀事之書是
燔書奈遇秦後代史書之先而公穀則此於辭義也立體須推漢
配元臣記曰遭秦滅學官失其守天官載筆體皆遵漢史權重

詩

詩因言志作源遠有由來賡載從虞始刪成自衛回溫柔

知國化麗則定羣才清廟明堂上元聲實大哉

賦

研鍊方求勝揄揚最得平春蠶能合錦雲鳥忽逢纓欲擬形容勢如聞鼓吹聲登堂兼入室賈馬獨知名

書

書法追軒頡通神妙蘊舒千秋稀盡善六義溯從初正變區分處剛柔酌量餘義之可稱聖爲訓語非虛

檄

聞說唯琳瑯操觚此擅聲

文心雕龍曰琳瑯以符檄擅聲

尺書馳漠野片

羽落邊城夷簡平蠻至相如諭蜀行廬江有孝考喜不爲榮名

紙

一從更竹簡紙素遂紛馳最喜金花綴還憐玉版披而收
中禁秘月請諫官儀九萬能相贈桓公漫致規

筆

綵毫簪殿側碧管出巖隈受爵城纔築橫軍陣忽開書會
三品別夢訝五花來不屑書生事班超實將才

硯

篆書鐫墨海遠溯帝鴻年紫質金星小紅絲月暈圓端溪
寧在後漢瓦合居前若到成凹日爲文定萬篇

墨

墨丸遺古製貯瀋硯池心解作書濃淡能成畫淺深彩應
浮絹素香不擬檀沈使者龍香劑居然御案臨

劍

吳鉤脫爲贈躍馬去邊庭迴若秋潭水相看天外星書生
引杯對俠客報警明料是一人敵曾傳三劍名

刀

脫光遺制度鞞琫與周旋禮自分儀障名還雜貨阜元成
功獨著嗣業氣無前好詠藁砧句興懷破鏡邊

箭

貫帑傳方貢攢鍬便獵圍神能隨樹繞巧或比螭飛亦有
金龍飾還看赤羽輝霽雲好男子慷慨誓吾歸

彈

三輔人皆好風傳漢帝鄉遂金情有在斷竹意毋忘疎合
流星小睢陽滿月光多方惠施子妙喻動梁王

弩

懸刀傳巧製含括驗殊方
白的強無敵黃間利有芒
見書空嘆智捫足不言傷
渺漫龍川水遺基問越王

旗

翠鳳方翻日元蛇迴出雲色
分司馬法天給武王軍頒物
承官制爲章見禮文無須大
將執早息戰塵紛

旌

注旗在竿首掌舍表門中
兵法占蹲鳥騷辭賦建虹游
車存古制達道見仁風樂大
何方術能令自擊攻

戈

魯陽酣戰際句踐入臣年
古禮明鑄刃奇名辨鏃鋌
曾聞東序下復見簫師前
想像萬夫敵橫提向九邊

鼓

樂備和爲貴無須當五聲雷霆音乍激海汭勢堪驚
匝架蟠龍矯援桴戰馬鳴春分還應節萬物象生成

弓

繁弱傳良器桑弧記始生大弨名自古昔榦喻還明入穀
規蟾魄鳴弦失雁聲若求穿札力三載見工成

琴

高齋珠柱設淨几錦囊開古調含情寄明徽引興來燈前
初綠水海上更瑤臺聽徹雍門語成虧那足哀

瑟

秋江渺無極帝子不知名拂柱金弦動開筵白虎驚和柔
音歎洽適怨意交并清廟傳先正猗歟唱歎情

琵琶

真人天際想妙悟豈無端已美鴟竝設還珍象柱安瓦爲
原足異銅鑄亦堪觀鳩鵲移時聽叅軍本善彈

箏

傳聞五弦筑風俗古秦開軋向西川取材從泗澤來野王
須笛調宣仲豈伶才悽惻青苔怨徒令聽者哀

鐘

周室方分物虞庭亦間笙紀三先衆樂生一本希聲或觸
蛟龍門還占子母鳴豐山乃天籟霜降九秋清

簫

原缺下四句

編竹成斯器名因肅肅音昇仙秦女事入市楚臣心

笛

尋宮隨振轉倚調逐歌清淨喜孤筠截雄須老鋏鳴飛聲

關月冷入破水龍驚曲度桓伊奏風流別有情

笙

鳴鴻雲露表別鶴路途隈匏合珠成貫簫溫玉不哀成仙
向中嶽合樂有南陔義管何從設端因變調來

歌

白麟雍時上黃鵠液池濱儀伯興先代陽春屬後塵
空綺靡浩唱漫鮮新盛矣虞廷樂賡歌共主臣

舞

燕昭珍集羽漢武愛傾城要識抑揚妙何如行綴明
箴失度俟俟美蜚聲狎客歌筵上堪嗤體態輕

珠

辨產霍山側稱名淮水隈如何買櫝去不異緯蕭回
照乘

奇珍眇沉淵廣譽來莫誇交甫事幾見漢臯臺

玉

美種傳荆楚瑰光出大秦威儀盛君子符瑞合王人丹水
呈祥久藍田作貢新圭璋知特達共詡廟堂珍

金

南郡象林地鉤羗枝豆城魯連爲義舉季布有英聲化鵲
方垂跡探鳩亦解鳴崑侖足臺殿瓊寶特難名

銀

陽山成礦久潺水伏源長或識劉公袋誰移趙氏床鏤盤
生瑞彩飾鼎發精光荒忽化人術休誇周穆王

錢

地官泉府設名義取周流榆小鋪芳甸荷輕貼御溝豈宜

編埒散亦鄙挂標收萬選爲文貴斯人未易求

錦

蜀都名久擅襄邑貢初陳滾浪蒼龍月穿花彩鳳春詩成
盤字巧衣贈織毛新良吏稱民表應無學製人

羅

女弟昭陽貴神妃洛水清絳文何綺麗金簡自分明春水
吹初皺秋雲疊更輕遠來西域獻蛺蝶獨芳名

綾

散花誇漢相雙具製唐君魚口噴輕浪龍油膩薄雲已聞
金縷侈却愛竹根文王母修桂舉仙風氣氤氲氣入聲見易經

素

憑輿蜀主相作賦漢宮如遠寄雙魚到懸猜匹練飛波熬

滄海出雲傍玉樓輝九月寒衣寄誰家借夜機

布

原第二韻第三韻俱方字重今易第二韻

無文尊夏后作貢紀周王顏闔對非謬晏嬰聞亦佯綴藤
自南國織毳有西方儻是真清儉公孫姓氏芳

舟

人物資通濟江湖日往回歌隨蘭棹發目送錦帆開買酒
穿雲去乘風破浪來陽侯切文璧須見斬蛟材

車

萬石嘗趨里于公早治門賢猶能戒澤聖本不乘奔

古語奔車

舟之上無仲尼覆舟之下無伯夷共說九遊乘還聞六駛軒蒲輪何所設端

爲乞嘉言

牀

膝穿曾識管腹坦更知王玉向昭陽琢銀爲露井妝平鋪
八尺簾巧綴五方香雅愛南樓客清談坐月光

席

列玉聞黃帝銘端記太公仙方能却夏幻術解呼風坐絕
諸卿上名高博士中碧蒲光閃灼王母在仙宮

帷

青油連繡幕翠羽障香車鑒月流光滿如雲帶影舒幽宜
牽荔際麗想貫珠初董相談經日天人炳漢書

簾

明光垂玉日神屋綴珠秋未遣風開扇還邀月挂鈎緯蕭
生窘迫懸薄事輕浮何似沈麟士詩書謝貴游

屏

翡翠鋪千疊虹霓繞幾回妙成拈筆誤驚聽踏歌開謝万
朝眠定羊元晚對來嘉哉貞觀政刺史識羣才

被

宣秉無餘物姜肱共一堂外方貢龍鳳樂府詠鴛鴦那美
七枚麗須憐五幅長神珠絡靈粟花葉間芬芳

鑑

何處著塵埃應緣鏡有臺心須如此淨物任自他來月窟
層霄揭冰壺廣殿開所珍仁壽殿高映寫人才

扇

瑞簃久聞名齊紈製作輕日中葵有影風裏竹無聲鶴羽
揮來潔龍皮映處明亭臯木葉句把玩盡詩情

燭

楚些蘭膏美毛詩木蓼新連枝方結蕊吐日更疑晨鶴燄
輝緹几龍涎漬錦茵宮中庭燎影濟濟入朝人

酒

高筵欸輩儔有酒酌言酬試問幾何飲何堪大白浮禮無
三爵過人或七賢遊慎此德將意糟醕枉作丘

蘭

擢穎池爲玉抽芳谷號金去齊聞贈語嘆魯託鳴琴可識
幽人宅應思孝子吟何須愁不採香氣滿岩陰

菊

水向南陽飲碑從好時開延年丹裏汁獻壽塔前杯雪意
金階畔秋容石澗隈眼前論景物一似故人來

見古詩

竹

幽韻動湘濱
亭亭遠世氛
斑弓輕巧質
青簡古今文
窗夜聽鳴雨
庭秋見拂雲
貞心原可貴
愛賞却因君
隋明克讓年十四詠

竹云非君多愛
賞誰貴此貞心

藤

黃緣升竹閣
繚繞傍花臺
根覓卑山去
花移合浦來
巢鳩君仲井
漬酒叔謙杯
石合金陵種
奇方本草開

萱

花堪分菊色
葉復借蘭叢
羶靡微風動
魏彥深詠萱芬莖
淡靄籠徐勉賦萱或芬莖于上春
宜男徵志載
思伯見歌風
畫人宣和譜
長縑筆力雄

茅

于茅邠俗美
乘屋入新年
坐釣磻溪上
棲遲泌水前
爲供

旬師給入獻會人旋莫取筵簞索休教營蒯捐

荷

逍遙彼澤陂蓮社憶清規尚有匡廬種如從太華移涉江
應弭棹咒鉢定生池歲晚騷人思爲裳或可披

萍

柳絮無根蒂爲萍泛泛浮因風到春暮如日得江流萬物
誰齊視他鄉或遠遊唐家侍宴處向浦乍回舟

菱

江南採菱棹別浦正相通嫩蘂含膏雨清腴擘晚風品登
青藻外歌雜綠荷中莫把如花鏡烟波渺未窮

瓜

誰言王母宴上藥有靈瓜淺絳圓爲實微黃碎作花愛嘗

水谷美貪摘蜜房嘉若道龍肝異瑕邱願未賒

松

貞標深澗底秀色老岩隈落落四時葉昂昂千歲枝龍鱗
皴雪起馬鬣舞風披琥珀藏根下仙人過必知

桂

金粟霏香遠青枝弄色幽無憑生上界最好對中秋已結
湘君棟還乘楚客舟嵒巖仙岳裏歲月本長留

槐

甘泉宮北種持國寺前栽取火青林表開花碧殿隈似聞
惟夢到頗訝忽神來手植知陰德三公應上台

柳

春陌氣氤氳千絲拂曉氛玉妝迷翠鳥絮起亂英雲岸曲

吟貞觀林空歎簡文勞勞亭上望送別正懷君

桐

龍門聳翠岑鄒嶧不成林葉大交椅影枝疎借竹陰北樓
秋色老金井露華深太古后夔上神農始削琴

桃

漁者武陵洞停舟澗水旁香凝細核味色炫絳霞妝七百
園林麗三千歲月長寒冬訝開放奇種獨稱王

李

東苑初生日南居欲熟辰處嫌歌自古思戒喻猶新結實
還聯影龍目之李依山更號春山多李匡廬曾共食庶索
是仙人

梨

價重洛陽裏名傳真定中似霜花最密如盃實能豐快嚼
春冰碎輕銷醉頰紅僧筵巧分割應數道安公

梅

寒餘春日光先後百花芳紙帳窗邊影江城笛裏香臨風
冷籬落踏雪斷橋梁方朔門人在還期得酒漿

橘

璇樞初散彩嘉樹遂滋繁欲信楊由術堪思陸續言白華
含日耀綠葉逐風翻二叟圍棋處居然一畝園

鳳

天樞徵舞鳳仙管叶求凰周雅誥多士虞韶奏九章朱冠
紛瑞氣金味煥熙陽峻極甘山表璇霄萬仞翔

鶴

青田雪羽翩紫府刷雲烟與鳳翔林日看松孕珀年靈傳
西海外壽獻北堂前清響諧音律參差下九天

鳥

鏡裏含朝彩槩中警夜寒接丸隨步履逐艦集檣竿亭壁
皆成畫遊遨或喜彈如何李義府竟借一枝安

鵲

巢能背歲結翼解順風飛方朔占何異公輸技亦稀上梁
霜羽集繞樹素襟歸萬里崑山側尋常孕玉輝

鴈

北南無定方有鳥性隨陽夢結湘中侶聲聯塞上行哀弦
悲夜月暗繳警秋霜逐逐稻粱計終年皆異鄉

鳬

集禱浮光畔升藻翠水隈廬棲應致感脰續適成哀泛泛
卜居去熏熏公譙來何須異蒼鶴設樂值雲雷

鷺

建章春樹紅百轉韻遙空梭疾此遲日簣溫無冷風草薰
香陌上人靜繡闥中聞道銜珠處滄洲信可通

雉

春雷未發聲晨旭麥畿平賈舶陰陽候庭鐘遠近鳴表符
紀秦穆彰德配周成試撫瑤琴曲能通有鷺情

燕

元鳥司春氣瑤光散太空杏花霑地雨柳絮下簾風吐豆
棲梁上成文秘笥中翩然意而子不羨穆王宮

雀

魏肇占封爵羅舍集屋梁化書應是瑞銜錄自爲祥啄向
野田畔飛從滄海旁螳螂與鴻鵠天地共翱翔

龍

嵩岳來三叟哀牢見九雛如何董父擾却笑葉公圖已作
元雲井難封黑水湖安奇足神化長傍玉京趨

麟

九真路始開瑞現上雍回爲畜四靈首難羈獨角才步庭
更游苑入閣復登臺二八相彪炳平乘芝蓋來

象

犧尊同設日犀璠作規初齒喻邱明傳髦稱呂氏書取花
羅衛國耕地會稽墟屏綵高張處峩峩七寶居

馬

周家朱鬣馬唐室玉花驄千里方乘電三尋快蹴風來從
大宛北歸向華山中駟駟歌詩意無邪頌魯公

牛

花形行絕迹白綬戰成功扣角曾車下環宮在窮中爲星
猶有女與馬不同風小犢跳梁甚誰編風俗通

豹

北國獻宗周磻溪實壯猷煮胎供飯食爲枕聽更籌樊口
曾逢姥巴西更建侯九關無啄害不用隱巖幽

熊

五色障泥好王孫獻御前伽毘陳瑞物玉策記長年冠切
雲容上旗迴日影旋春來方出蟄踴蹠據林泉

鹿

七星含道氣千歲憩仙畿跡妙東丹晝詞深西苑詩

古詩白鹿

乃在上林苑中

尚充王母使况問漢皇時堪羨懷瓊至嘉哉瑞

應期

羊

但取溫舒學休矜卜式材地因銜穀命山憶得桃來碧落
澗泉滴金華烟翠開仙茅如可遇荷笠牧岩隈

兔

舞鎬佳徵在和丹秘法稀遐年園自轉異種背能飛魄月
含金足衡星運玉輝昭祥漢時苑方物武皇威

二世孫成郡王載銳家藏板

詒晉齋集卷四

丙午

成親王著

題唐懷素苦筍帖

千年苦筍帖草法見藏真食肉全無相叅禪後有人平原
論釵股長史脫冠巾遺蹟俱寥邈唯斯傳獨神

仲春園居作

傳文忠公賜園也

小園春事好暇日遂幽尋試棹方塘水鳴禽舊柳林樓臺
起已久花木發能深馬宅殊今昔猶餘感物心
回首臨淵日層冰皜皜如東風無不解春水復如初醒石
苔猶護名園歲幾除晚天憑曲檻照影夕陽餘
大雅振江海微吟到色絲今人微古意異代不同時柔翰
能深託高塵早絕馳餘風何儻蕩不覺起遐思
一自琯飛灰巡檐日問梅寒隨冰黑去春共柳黃來林表

浮雲在牆陰暮雪堆心殷好風日送暖到中臺

時幸五臺上

春寒

不識春寒定幾番淒風淡日滿庭軒已通小艇煩舟子復
結輕冰壓水源坡草侵陵仍是雪林花點注直須暄藥欄
竹疇堪遲步恐礙新畬麥茁溫

三月朔小雨後寒復雪

天上深雲已傍樓暝燈雨落向簷稠霑濡三徑色皆潤點
滴一宵聲最幽到地竹根旋自濕回風雪葉忽相投擁爐
漫下書齋幌多恐春寒在晉州

賦得草色

三月吟情且未忺步憐芳色意厭厭黃經野燒淒涼歇青
是春風愛惜添路轉西湖思白傳人辭南浦悵江淹先生

獨喜文窗坐絮起花飛畫下簾

牡丹臺成

閏歲節晚春多寒沈陰連日雲如磐平臺落成豁開霽城南急買千百團京洛之種足五色亦有汾州白玉盤穀雨日近可栽插抱甕荷鋤走園官根株糾纏菜菜護晨朝潤澤清露溥花情乃在謝康樂竹間水際翩姍姍與平酥法尚易辦莫使明艷徒飄殘

鶴

有鶴自西來集於園池之石磯家僮欲捉而鍛其羽驚而去

青青梧桐枝威鳳翔清霄覽輝下容與翡翠棲蘭苕微生易所託身尊蹤跡高春雲覆我苑仙禽集晨朝飲我玉甃

池意態孤且超愧無廊門琴致汝來自遙山梁不可拱元
圃况可招翩然振翼去去去求其曹瀛洲邈荒忽安得王
子喬詩人託諷諭三復歌鳴臯

琴

古琴長三尺六寸六分腹刻大篆響泉二字九疊
文篆大唐之寶四字鳳沼內墨筆真書大唐雷霄
斲五字金徽按元稹小胡笳引雷氏金徽琴王孫
寶重輕千金注桂府王推官出蜀匠雷氏金徽琴
請姜宣彈國史補蜀中雷氏斲琴一品玉徽次瑟
瑟徽又次金徽又次螺蚌徽瑯嬛記雷威作琴或
以松不必皆桐程史冰清古琴腹書蜀郡雷氏斲
皆無雷霄名獨陳氏樂書有斲製之妙蜀稱雷霄

郭諒之語此琴色澤幽黝斷紋細膩沼內書作顏魯公體墨暈深入木理未漫滅非贗物也

孫登一片鐵肅然辟神姦雷霄三尺桐淵然靖滛煩不傷知音少我固不能彈囊挈訪善手璫泛尋常間海水自萬古舉世無成連成連世亦有耳又不辨焉輕葦變園柳時雨潤暝烟月從東溟來照我蒼松關物態入夜靜春山有餘寒此時攬衣坐默對七條絃

國史補又載李汧公勉雅好琴常斲桐又取漆角爲之多至數百張求者與之有絕代者一名響泉一名韻磬自寶於家云云但未知雷霄與汧公同時否若同時或此琴卽汧公令霄製也

熱

溽暑朱明節令須不禁白汗屢相濡蛩莎蟬柳清秋憶雀
雨魚風古塞無幸不塵埃關熱屬欲將詩句寄冰壺夕陽
漸下前山影望月何時轉屋隅

雙塢山

石峯相對倚穹崇側望橫看影不同宰堦中間通鳥道枝
撐始出自神功金莖夜瀉三危露銅狄秋摧萬古風雙塢
却先人世有自從開闢鎮灤東

中關道中作

雙黃寺廟唯名在三衛邊關此地分斥堠欹斜多戰伐太
平久遠失傳聞垂林露上明秋月認箭雕邊黯舊雲野草
寒花相慰藉傍巖火谷冷氣氤

野草

蕭蕭野草色連空試上秋原極目同牧馬千羣朝逐水關
門獨樹晚知風淒清大漠飛蓬黑歷亂他山燒火紅指點
縱橫榛莽處古長城在木蘭中

寒花

出塞花枝耐冷榮因依山果亦羅生幽人籬落秋應晚殘
雪關山眼忽明歸馬餘香重回首拂馳幾種不知名傷情
菊後無花賞折贈江南別有情

山行

獨往意甚古深行徑轉微涔涔山雨住稍稍暮雲歸剡木
流泉取吟詩返照晞恐驚林鳥下莫振陟岡衣
樹色欲無盡禽音已不同世情山渾渾野步日怱怱遂往
霑雲濕何須到水窮只疑鸞鶴響吹出萬松中

古意峯容澹幽尋物態平林花非解語谷鳥果無爭澗溜
如川灌山梁借石成涼雲濛瀼處盡日少人行
澗道轉峻嶒清暉向客澄柳絲秋水直松蓋夕陽層板渚
吟情遠天台畫法能雲霞旋破碎知有玉輪升
白露初秋降清光萬仞懸山銷留幹霧水斂廣礪烟星影
纔鴻外霞光更驚邊思成漫游記抵作遠遊篇

夕陽有幽綠淺草茂林間心賞日復日眼明山外山溪回
妨遠到雲去賸孤還所以巖耕者常時見好顏
大谷寥寥靜幽花瑣瑣新伶俦穿葉蝶意思數鬚人雖在
邊沙地知霑雨露春故能同桂菊開拆向蕭辰
碧漢參差曉金風浩蕩光塞天思雁遠沙磧見龍長聽葉
憑危石登峯俯大荒最高通御氣況乃暴秋陽

秋興

崢嶸爽氣颯高天流火旋知歲序遷沙塞清霜時見鴈柴
門返照暮無蟬雲中風微防秋騎淮上新通運米船興發
晴窗作辭賦惟應擬寫白雲篇

八月二十七日得孫

正侍秋巡紫塞邊弄孫有喜驛書傳顧余搔首未華髮向
爾稱翁矜壯年余年五十三池馬波魚思盡誨瑤環珥願能
賢董家文學非吾意初服桑蓬得所先

冬曉出德勝門典試武闈

鳳闕雲烟護小春寒鴉聲散玉河濱出城便旋風吹面走
馬凌兢月滿身粥鼓遙聞知野刹玉繩回看隔重闌數株
老柳村帘出慚愧相逢眊聵人

齋宿對雪

青瑣嚴丹祀金爐暖
麝幃雲依雙闕駐雪近
九霄飛魚鑰人聲靜
龍樓燕影稀晚時花
亂舞宮漏送音微

題謝疊山集

浪湧厓山後南朝豈一人
辟徵猶處士

元遣使江南根尋好人根尋不虧面

皮正當人求得道高人求好
秀才求藝術人皆及疊山名

元魏參政拘管

道院日夜監守處土
游民皆登山自稱也

厄命登山蕨中心卻帝秦雖嫌文信

國此日敢懷親

疊山以文信國起復帥闕為嫌余謂信國

復平章徐方直起復尚書陳宜中起復宰相劉黻起復執

政及史嵩之有詔起復太學生羣聚叫攻之時則有間也

城南唐代寺每到想忠賢
身世窮家國詩書混佛仙

陶潛

曾愛菊蘇武竟餐羶

陶潛句用集中與菊團陳尚書莫枉

西臺淚臨文一泣然

原集有青詞數首及文末署至元年號者館臣以為偽託刪去之實得體

裁之
正

寒

重簾鎮日下房門袖短頻添楮盆萬里長風西極至一
旬殘雪北堂存但看宮樹猶寒色須叫江梅返凍魂天上
黃綿真可愛野人准擬獻奇溫

緹几

緹几銀缸搖淡碧遙天曉日上微紅階墀疊壁盈盈雪殿
閣鳴箏發發風酈子文章箴縷合延公書傳俎籩同欲知
桃李兼秋實可有寒氷語夏蟲

祠竈日作

洗滌瓶罇酌酒漿交年小祭竈龍旁神雲上馬流鈴響玉
女投壺旬線光小巷賣癡猶樂府寒門送鬼亦文章蕢桴

葦籥爲歡劇只爲家家餅餌香

守歲作

竹爆聲催暮椒盤香薦新爲貪看斗轉不覺啟扉頻鄭重
殘宵漏光輝翌日春屠蘇猶不後已是抱孫人

余今年三十五

西苑晴雪

以下丁未

宛宛紅橋趁馬蹄乍晴雪色映芳堤欲風天氣蹊成李不
夜簾櫳樹是梨只覺餘雲寒未去半成春水濕難齊將身
已到蓬瀛上羣玉爲山更在西

初春園居卽事

我欲乘舟泛小池刺篙舟子且遲遲解冰漱水春依舊過
眼流年去可知掃地焚香聊獨坐嗅花搓蕊已多時朝來
攬鏡情懷惡愧把微斑道向詩

賦得愛月夜眠遲

限詹字

海嶠春輝到畫檐忍能對面隔重簾須知夢枕迷仙蝶不
抵清樽問老蟾百代光陰貪小立九霄風露已深霑雲鬢
玉臂秋如昨遠信空閨幾度詹

春夜窗月

打疊春寒早閉門紙窗月影似相存自燒沈水原無睡不
用梅花已斷魂筆墨蕭條稀運用羽毛想像有飛翻三更
萬籟都寥寂露鶴無聲到彼園

春遊故事

上春時節上京遊春雨春風儘未休何處行雲停翠管幾
家明月入朱樓山亭小部唐三輔蠟燭輕烟漢五侯燕子
只知尋舊壘一年一度認簾鉤

遊澄懷園呈姚息齋鄭雲門茅耕亭秦易堂戴石士

五先生

春水隨風綠到門熙朝宰輔舊名園諸公退食惟文史深
屋端居簡晤言花影猶能向晴昊禽聲已復勸清尊請看
百畝樓臺地薜荔煙痕上短垣

癸卯來髻髻山步登層巔今則以馬因賦志愧

崇芒鬱島切雲浮迢遰花宮更上頭憶履虬龍逞腰脚慚
消髀肉向驂駟歲華數去如流水筋力潛知似上樓回首
朱霞鎖天半繡旛風影尚悠悠

題尚書房銷寒冊子用東坡次張安道讀杜詩韻

世盛詩音雅才多作者豪風流推正始幽憤罷離騷太僕
皆呈驥崇賢獨取髦名儒用張佚清品得山濤冬日宜文

史天廚具餽牢朝端師範重海內此筵高筆陣熊羆士詞
源龍鳳艘諸公無淺興萬象敢深逃莫笑文章虎何慚名
第鼇古來窮學術潛處謝譏褒玉色沈荆國書憂蹈魯臯
雪中袁令被草外庾郎袍豈似依香案相將弄墨曹雲篇
真獻納霞路遂登邀商畧心沈密遺忘俗冗勞雕蟲久落
植附尾願如旄未老那能細論佳不易遭力輕愁引鼎步
縮讓踰濠大叩鐘非椒醇詞酒是醪前修緬羅列爲我一

芟蒿

詩見韓

大房道中

以下戊申

大房西北去峯勢五原還拒馬春無浪藏經古有山風霜
脆楊柳車騎近邊關小縣能高廩居民半玉顏

七夕作

錯莫銷魂別恨生
服箱負輓是虛名
雲車際夜相推輓
月地傷心老送迎
五夜秋河清有影
九霄涼露浩無聲
裁詩細意工酬答
沈約癡來太劇情

雨

颯颯秋偏到戎戎
晚更連影深沙磧
上聲急雁行邊藥
裏虛欹枕川流易
感年書生堪絕倒
手把養生篇腹疾
雖時遣雲陰已夜
涼夢如燒燭短雨
共數更長起坐荒
琴曲驚聞劇鴈行
蕭條澗洗處滿意
菊花黃

雨中波羅河屯作

已戒清寒候而何
潤溽偏雲垂下到
地雨接上連天九
曲伊孫水衡流江
漢然塔山忽不見
突兀馬頭前

賦得雪意

且煖山翁酒一壺
喬林遠岫未模糊
記曾壓屋雲磐重
合有飄燈雪片鹿
江渚早梅猶側塞
關山寒騎重踟蹰
此情可似中年子
暗恐微斑上髭鬚

雪用十四鹽韻

我夢梅花笑閒巡
向短檐蟄房無沮泄
飛琯動沉潛霞斂
櫻街燭風遲蓮漏
籤泔泔陰靄合黹黹
曉光遲知有三農
慶來符太史占初
霏烟漠漠尙雜雨
霏霏似濯層青地
先遮寸碧尖鬢髻
排羽衛見昌黎詩擦亂撲蟲蟣見東坡詩認鶴旋縈
擎緣貂漸濕檐陵
辰愈揮霍傍午遂
滋漸貪看龍千丈
慵圍火一杓拚穿
殘蠟屐肯下薄釘
簾壁識金闌暈圭
尋卸砌廉牆隈都
壅閼樹杪甚危陀
背覺侵萱冷腰憐
折竹纖陟山排步
甲步甲積雪於樹根裝坐走中闕中官堆雪獅竭歷

承筐筥誼闌拜鋸縑甌宜團鳳淪帳却乳羊燂味亞南閩
瀟香齊大攤甜驚膏輪瑩徹魚眼類噉噉惠釀參評品蓬
瀛恣眺瞻元冥橫北陸回首亘西崦滅沒猶批耳蒼浪忽
變髯斷行崔慙雁竦翼謝莊鵲攬景清輝足興懷遠緒兼
從軍度沙磧出牧傍樞鈴膠榦妨摧折冰糜強飫饜蝟毛
消馬健龜手脫戈鋌挾纊蕭晨潰銜枚蔡夜燐凌兢吹鐵
甲瑣碎點朱綬更縱漫沙獵憑將腐草薪驅狐遙覓風射
雉近埋簾意氣捎鞅鞞羶薌薦金鬻舉烽騰爵算陳騎示
禽鹽借作平韻野渚迷磯岸流漸負鯉鮪鯉鮪見爾雅疏孤蓬支亂荻
雙槩盪枯葉鄭谷輕蓑畫簷何獨蒨鉞江空還泛泛泉咽
每瀟瀟答簪灘頭市葫蘆汉口帘石林盤犖确樵唱轉誦
詁入迴攀巢鵲穿深撥蔓薺爛柯曾看奕礪斧偶逢礪登

足增忻喜藏谿易險

楊循吉詩平谿藏險

縱橫莽榛楛擁腫老

梗枿逆旅遭留滯長途怯久厭恓惶顏苦墨凜列骨禁砭

僕從多憂瘁關河備受疔魂銷灞橋寒情切洛堤韞崔德符雪

詩洛堤欲駐有情鞍曠野原非兜羈栖況失羈豈如抱旃毳廓獨閉

關枯元稹詩元鹿羈尊無綠寒庖突不黔伴人毛穎禿對

影墨池沽東郭行踪見袁安臥室覘濟貧稀遇耿取士少

收閭上客開瓊宴中堂卷絳幘圓吭欺塞管修袖翳蜚穢

朗映熏芸閣低窺貼翠奩癡兒偏弄掬摻手鎮慵拈樂讓

居田最豐符望稔僉築場儲畚局乘屋索茆苦父老閑扶

杖比鄰競謁飮脂肥豚乍捍旨蓄韭新醅見放翁詩嘉穀邀深

庇遺蝗定盡殲坊庸酬力作表吸效優贍薄價薪存煖奇

溫絮解嚴緯蕭聲寂寂瑾寶語佔佔史記土室之樂土萊

蕪甌謹謠緱氏鐮

史見宋

三時遞舒慘四序別涼炎漫謂天

公戲休疑風伯沾

王令冬陰詩風伯得意欣沾沾

思維大象運擺脫小言

詹湘水奇徵媼峨眉異紀蛎逸書歌穆滿秘錄祝胡恬稍

爲羞明歇俄緣等伴淹仙槎高許接粉野濶容黏儘拂青

釵柏仍飄白羽簾

箭三簾如

弄晴剛遲鵲際夜誤呼蟾緬邈

新詞雋料量雜作礮見詩目高才難伯仲故事枉擗擗細揣

肝腸鉢冥搜口舌箝聚星希汝穎下里任巴濶眩眼空生

纈拈鬚早斷髯描摹謝倪瓚點染愧王謙筆陣餘須賈詩

囊澀莫嫌微陽今暗轉瑞兆此同忺玉殿韶光迴珠杓麗

彩添那殊春雨露共與萬方霑

春寒

以下已酉

釣轉芳鳥莫嬌人乍霽旋陰已二旬風急落花無意態春

寒閉戶少情親戴顒未問啼鶯樹趙嘏虛吟畫鷁津何處
踏莎清唱好郊垞薄雪不飛塵

年光

花陰日瘦葉陰肥清鏡塵埃把袖揮不是王喬須夜燭可
憐杜甫只春衣卷簾捉椅看微雨啼鳥流泉又夕暉冉冉
年光經意緒誰言犀柄與金徽

讀林和靖詩

風送扁舟湖上祠綠漪清影想鬚眉偏提直掇渾成句懶
架頑盆盡入詩品隲寒梅山谷得馨香秋菊長公宜茂陵
遺稿何堪讀賜酒歸來舉世知

月夜聞猿聲

清切碧蟾彎淒於楚蜀間野溪還兩岸古戍只千巖枝蔓

應蒙密天雲共淡閒幢幢孤燭影西上卽秦關

荷

蘋末香風澹澹生過橋華葉遠相迎正同茆屋含涼趣未
擬秋陰聽雨情鄭國風詩多靡曼湘纍詞賦最淒清晚來
愛看鳬鷗宿行盡陂湖白露橫

數夜不得寐因憶邇日邊報皆喜音有作

葉雨莎蛩攪夢聲燈缸茗盞助人清自非肺病頻高枕應
是詩癡卧數更西藏賊臣遙退地南交使者近朝京乾坤
四極光王化適向卷阿詠鳳鳴

送錢黼堂先生典試江西

畫船插幟動江光知有文星入豫章白屋棲遲思孺子玉
堂風彩出歐陽閣翔朱鳥詩無敵櫓背黃花酒可嘗注目

唯應秋實在肯教人道進姚黃

山居

塞上多嘉樹松柏十餘里綠翠如雲霧
坱圠相填委不知秦與漢乃在太古始
天風振其顛龍騰復波靡大谷廓無聲
萬籟從此起南郭若有忘嗒然方隱几

祝融乘權衡曦暉赫旁薄九市紛所求
揮汗白雨落山中殊不然但見永日樂
流泉激涼飈長松蔭幽壑物隨大化遷
天道如橐籥

山中有嘉卉鮮葩碧綠朱初陽發顏華
朝露泣根株英英被長坂燦燦臨清渠
上鳴睨睨鳥下覆游波魚不見採掇者
芳香祇自娛雖無松柏姿無以勝棟桴
猶慚蕙草質空令媚綺疏

燦燦春園花飄風發其後嘉辰忽復過新綠亦已舊絡緯
鳴前除夜雨零戶牖起坐喟長歎微霜逝將又

青松垂繁陰雙鶴行庭除翅羽擬霜雪鳴聲漸天衢食飲
有所須不爭雞與鳧振鷺亦有容潔白如璠璣洋洋澗谿
水其下紫鱗魚鷓鴣擇林枝鳩鷄起枋榆鳳皇餐竹實
翹集高梧

矰恒乃在弩絜鍬乃在房短長一失所鳧鶴兩悲傷脫劒
非良規投筆亦偶嘗世胄在選擇英俊須明揚

犁冥抱瑪璫自言珣玕琪三年沮善價徬徨走海湄洪濤
揚洶湧奄忽危檣摧崔嵬萬斛舩曾不如南箕各各大恐
惴舟師前致詞神龍歆至寶客子壽命危慎莫懷嬰瓌速
獻莫稽遲犁冥大悲悼寶玉當獻施開滕出瑪璫流涕付

舟師舟師啞然笑願子珍重之龍宮若無子此寶焉識知
雨望

目極渺汀洲秋懷不可收帆孤偏急雨波遠最寒鷗小立
風裳濕將歸晚葉稠下簾聽更好涼意夜悠悠

題沈石田秋林曳杖圖

空山無人落葉滿山鬼趨跳動無算先生一往真畸人去
劇黃精未全懶深林野禽毛羽恠驚飛簌簌寒雲散青石
風長礪道寒此有何好去忘返蒼茫一遇秦時人長定招
來我乎館

自題畫梅

蒼蒼暮景翻歸鴉玉房掣鎖玉繩斜春愁浩蕩不可說東
溟皓魄照寒花羅浮仙人翠鸞車水蒼鏘然戛衝牙飛雲

亂絮相交加大庾嗟峨阻且遐江城入破聽不得策杖矯
首還歸家雪如春愁亂如麻芳草漠漠生天涯

題錢舜舉畫梨花

春波小漲綠溶溶桃葉輕烟柳絮風惆悵不成金鴨夢靜
憐明月照玲瓏

題畫菊扇面

游蜂也復到階墀黯淡稀疏三兩枝素澹淒涼餘故里樊
川今古一新詩亦知開後飛霜薄更莫朝來送酒遲一掬
秋容向襟袖似忘應是棄捐時

題宋人韓蘄王騎驢圖

兀兀騎驢一老翁臨安大尹馬嘶風裴頭陀寺君休問一
片西湖晚照中

題宋人李陵蘇武泣別圖

漠北單車思返日
眞州國信得歸初
勞承最有孤飛鳥
春去秋來總繫書

題宋人江渚晚秋圖

桔槔蔬圃帶汀洲
島嶼微茫欲暮秋
野岸蘆花如小雪
晚烟漁父立孤舟
江樓寒後時聞雁
釣石溫來自數鷗
卧看東山新月上
不知身世兩悠悠

題管道昇九歌圖

聞道嬋媛訴女須
深心毫素竟何如
謝公叢菊論心際

見

山集鄭老幽蘭寫淚初

雲林題所南蘭詩云

雪窖羈孤還五

國江潭哀怨又三閭
鷗波亭上情無限
白首王孫有故居

題王牧之畫梅花

雪後情懷欲訪梅春前消息已生苔江潭小立黃昏近草
棘遙明的皦開怕忤鄉愁拚別去爲尋畫意更看來王郎
向老逢孤豔把盞風亭日幾回

登山

夜來寒雨洗峻嶒皦確蒙茸信步登滾滾只應看下土行
行不覺到高層翠微更上幽禽引碧隋過扶瘦竹能返景
偏低索歸去石泉聲遠暮雲凝

聞絡緯

寄遠征衣可若何草根牀下未差訛雁秋節序聲聲苦蠶
月光陰忽忽過黃葉關高淒獨樹綠雲人靜合寒莎轆轤
一轉雙絲綆金井闌邊到曉多

暮色

暮色回欄獨自憑山寒花弱欲難勝字欹墨澹涼風扇昏
矮行斜細雨燈早歲髮斑無謂事名山眼白最高層平生
池北談詩老却道西江得未曾

山亭晚坐

不知秋思落菰蘆步向山亭入畫圖草點殷紅霜著葉松
穿遠白雨明湖戲魚漸少知淒緊去鳥時翻見有無兩槩
衝烟能作惡令人心惜翠模糊

旃檀林

繡旛懸商風動影層旻雲登攀有懲懼頻仰殊聽聞振策
繚迴蹊躋壇出叢芬蕭森象緯逼下士懷彌殷

含青齋

馬首慙所遇入山深更忘青青松柏林沙瀨流雲長谷邃

古苔合人稀秋草香物役劇還復巖齋且徜徉

宜照齋

發興勇前瞻賞新失餘億橡蹊鹿拾實楓坂鳥擇薈綠幽
意與冥陟迴矚無外昭曠何所極回回倚圓蓋

山近軒

空陂散我策恂怛申素期我馬啖豐草我僕迹躑蹊鼠竄
亂積葉狐伏壘枯邱清暉憺留人零露霑裳衣

霞標

晶陽麗層巔千里明秋毫蒼茫萬青山俯接兒孫曹寥朗
浩無垠鬱確何其高何當吹玉笛雲閒青鳥翔

石菴先生督學直隸余歸自木蘭相遇於中關道上

賦詩以贈

囊弓出田防指驛涉修阻先生從東來下馬握手語從以
三僕夫大似忍羈旅行年遂七十幸健無所苦暮秋邊塞
陰崇岡黯其雨君心如清風可以慰吉甫

賦得獨鳥飛天外

海外徒聞別有天亮無風翼去無緣高秋傑閣層欄上遠
水歸帆一葉邊雁斷衡陽淒目極鶴來閬苑想書傳不愁
片白投孤嶼但恐微紅隔暮烟

蘄石先生癸卯歲歸田里戊申刻詩集四十九卷成
便寄一函來題其後

東華打徹五更鐘氊帽龍鍾雪又風塞上烹葵頻共飯江
南搖艇一相同香山便有新排卷海岳應非未退翁細雨
騎驢回首夢詩人入蜀總能工

老無人愛自知工裝就秋江寄一通謹慎併無三歲字衰
遲可歎萬蒼翁高樓日月凋前輩團扇人家畫此公真得
鼓鞭春隴上提攜小榼醉微風

集中有題余
所藏游昭卷

燭栗

倦來攤飯夢驚時栗爆真成馬齧其欲與周官閒考禮更
將楚室共徵詩十年物色無多日千戶侯封又一時不盡
人間今昔事未應深歎李和兒

十一日隨

駕謁

東陵恭紀

以下庚戌

明發

瞻

丹寢傾觴式禮儀

耆年深愜優世僕盡齋咨

黼綴思詒厥

禕綸感在斯日

臣承

寵晉默告

愛同知

見行館雜花作

已見蒼苔到砌前
風光欲送暮春天
山桃野蕨尋常景
得句黃花五百年

荆軻墓

易水激寒波
燕山亘修路
哀歌辭副君
絕塵靡却顧堂上
督亢陳堂下
舞陽懼軻張
提藥囊已矣
據庭柱
昭賴由余

蔽癸微王何助捐軀良獨難輕死信非慕一擲知何益平生重恩故名存爲鬼雄事債蹙國步天支未可壞姬室有歌飫釣天帝樂奏井柳暴金誤吁嗟田與樊諒哉匹夫婦寘褚無俠人歸元菝親素不見穀城石乃見慶卿墓

由新城經雄縣宿趙北口

督亢承北源紫淵受東醴澶漫介周道四面各千里防隄壅川舊亭夷抗峯址詎覩大雄山雙峯對松峙郭壘藏萬家婦女無紈綺旣懿儉勤風亦寓豐匱理背闔涉莽蒼遵渚遡繩矢終鮮卽陵阻避世欲安恃公孫釁於勇井處徒自燬洲廣認平烟日燿識遠水覽逝憑迅光望古發深喟志所載大雄突出獨尊及宋安撫李允則城隅積土金節度使徒單氏完顏氏先後築亭皆湮沒不可考唯雙

峯秀峙之坊建在平野耳所謂夷漫滌蕩亡其處而有其名者非歟

宿齊河縣

青道方順軌蒼靈戒奉塗零雨汜四澤清風協新畝發陳
潛穎達曜新初莖舒碧草徧桓墅綠波生玉符顧瞻濟師
津栖遲卜鄰間里室昔如舊寒泉今則無班馬軼埃壻明
發方山區

琴臺

青霞鬱鬱古來心舉世伊誰盡雅琴游女無媒神澣淩歸
鴻滿日月軒深華燈不照絲駒歎靜室猶遺鮑靚音非是
山陽思舊客妙聲悽愴爲君尋

三月初六日奉

命登泰山恭紀

地紀分奎野星躔入胃維崑崙瞻紫室迤邐侍青旗韶夏
唯今繼云亭共古垂良辰昭晷緯顯號載梁基迄嶽虞巡
典封巒漢禪儀承中含寶勢靈光殿賦據坤靈之寶勢承
也佐首序靈祇漢書天神之貴者太一其佐五陟降三神
肅整敦百氏卑虔縣陪秩祀再見

聖明時

登日觀峯

不踏層雲漫五年東峯黃鵠只飛旋獨扶冉冉孤生竹畧
數青青九點烟聽履徐行羣宿上振衣遠想大風前天籟
唱出滄涼日應是桃都影最先

聖林

文徵羸氏律儒出漢官儀草木知誠服

孔林草木皆遠方弟子各以其國產

移直墓旁光靈煥秉燹

東觀漢記賜東平王書今魯國孔氏尚有仲尼車輿冠履明德盛者光靈遠也

林崇欽仰聖堂在永言思

墓門東有思堂聖裔所啟瑞書成族姓春秋燕會之所

玉援危道若絲先臣三命鼎奕世四司碑枯楷空亭拱神

著灌莽窺山川環若斧天地翊縣池良史稱車牽宗師意

在斯

川漢書司馬遷傳及藝文志

重過少昊陵

漾漾西流照拂鞭行人下馬拜金天白楊風外蕭蕭影古

意猶疑聽大淵

桑土

桑土初乾雨乍晴沙長猶覺馬蹄輕泗流西下悠悠遠岱麓南來漸漸平古木春稠季孫圃浮雲暮合魯公城逢人

更問津門水欲得歸帆自在行

南樓南池

樓共任城古池含汶水春風流八代後天地兩詩人曠感
如風雨微馨託藻蘋寂寥遺座在還似舊承塵

阿城阻風

不向關津路安知風浪多途長有淹薄城小費經過願旦
憑人意同舟聽我歌吳兒兼郢客與汝共揚波

光嶽樓

博平原古郡光嶽有高樓偃蹇躋雲雨枝撐出斗牛大東
荒岱畎直北望皇州歲月飛騰甚登山已舊游

過臨清州

此州一昔揭竿曾中澤鴻還百堵興細麥風前清隴復柔

桑牆下綠陰仍萑苻不是饑寒迫
檠戟全無殺伐能獨賴
至尊紆廟算元戎一鼓惡氛澄

歸至德州

琅邪詩句真如畫昔我來時花未飛
風起春城流水急橋
邊綠柳待余歸

擬公讌詩

昔謝康樂作擬魏太子鄴中集詩八首
雖魏製晉造區一骨二體之殊而士衡
文通固已掩前馬後于之美雜擬爲五
言之一門其來尚矣余北歸過南皮撫
射雉之墟懷醺友之臺以爲置酒樂飲
賦詩稱壽一時之事猶歎此樂難常而
千古艷之夫情之所獨至雖事之小固
傳有如是乎作擬公讌

詩一首

良辰肆高宴列坐君子堂眷我二三子茂實聲琳瑯眇覲
圖書淵開設崑路行談言放心意但願白日長清哇動頑
艷寒臙羅圓方素光流華櫝歡樂猶未央秉燭夜行遊飛
蓋臨北場神飈蕩珍木列宿涵金塘衆賓且無歸復此澄
瑤觴春叢忽復過賞心難可常高情諒金石令聞願不忘

千童故城

秦朝徐福去求仙不見蓬萊不敢還一望浮山春草長
千城外水如烟

朗吟樓

無棣入滄州朱闌映水樓昔人曾對月何日定維舟盤古
猶陳死麻姑只暫遊上真須浪醉木脫洞庭秋

渤海古跡
莫荒唐於

盤古墓滄之北
有麻姑故城

楊柳青柳枝詞四首

家家綠柳在門前
門外烏篷小小船
黃魚雪白隨潮上
切作銀絲不值錢

楊柳陰陰似畫圖
春波滿岸長春蒲
蒲簾編好江南賣
家在當城小直沽

聞說滄州酒蜜甜
垂楊深處有青帘
行人不問青帘去
只隔垂楊待捲簾

柳條垂岸一千家
丁字沽頭飛白花
花作浮萍青點點
順風流去水三叉

熱河寓舍感題

余自丁丑扈從出塞迄今三十四年
中間丁酉戊

戊未至熱河憶丁丑同居寓舍者爲三兄四兄五兄六兄八兄十二弟大姪二姪後三兄四兄五兄十二弟大姪相次下世今月朔六兄又以疾逝八兄二姪俱在京寓中舊人唯余耳

入門松逕碧苔滋經歲重量帶孔移一暑一寒思舊共某山某水剩深知星殘雁塞仍成字秋老萸囊又減枝莫是微吟多苦思星星儘有暗霜欺

蕨芽

蕨芽蘆筍一時肥月似晶盤露似璣僻地花開還解語野汀鷗泊獨忘機阮琴山水依稀是蠹簡神仙想像非年少王郎歌自好北林曲竟掉頭歸

雨望

孤棹緣源泊淺沙
天邊驟雨落如麻
青連薈蔚投烟失
白捲空冥入水斜
一震偏憐新到燕
百泉終濕後棲鴉
定知芳草萋萋長
山北山南路欲差

熱

明月微風盡日須
晨興衣露暫沾濡
心懷白粥誰堪此
腰脚層冰興未無
俗客能來思熨局
清江可愛怯提壺
流光已過黃梅雨
程曉吟邊感路隅

晚坐

日永如年心與遲
簾垂簾捲便移時
晚天雨脚新成漲
昨目沙痕靜却知
在谷幽顏羣鳥樂
與波遠泛一鷗疑
此甲已得忘言意
山樹華滋折遺誰

月

萬籟空山靜孤明兀坐看想沾滄海濕併結太虛寒河漢
槎猶到關山路不難塞花開且落未惜數憑闌
一雁翔寥廓繁星映瑣微山川雲不共容鬢鏡頻飛漢沼
沉珠淚秦關隔玉輝梨花如昨夢坐久駐爐霏

逸興

逸興年隨減長歌意怯成蛩鳴亂簷滴川漲滯書程詩思
秋霖便人情素髮驚關門有獨樹早見幾枯榮

池上

舊木清陰在深秋小草香江楓日搖落巖桂色淒涼移石
殷懃甚牽蘿比興長悠悠鳬鷺影雲水正蒼蒼
雲水正蒼蒼烟波釣叟鄉籃中饒蛤計濠上與魚忘擲筍
賒明月搖船入夕陽蘆花晚紛落亦覺露爲霜

夜雨

雨寒那更細雲壓不成飛秋士聽聞切春簷意象非早知
巢燕定還恐澤鴻饑起撥爐灰冷吟成燭燼微

復雨

中年已無睡蕭摵滴階聲九日余頻客今年雨滿城手栽
菊數本人坐夜三更髣髴非疇昔猶煩蟋蟀鳴

九日登樓

九日高樓上秋深感興微帽宜風處落髮漸歲時稀古驛
三秋慣幽芳十載違披雲休舍檻極目送斜暉

殘菊

次第花開滿更番宴賞成風聲高遠樹苔色老枯莖黃落
關天意兒童未世情往來寒甃水澆灌幾經營

蓉塘先生得假旋里

短袖還應貯御烟
非關長拂月波邊
布帆無恙三千里
松樹成陰二十年
驢老未愁諳道路
官閒且欲潤栳椀
泥人最有烏皮几
莫向比鄰數俸錢

雜詩

我有一古鏡
其上雙盤蚪
蒲桃似松柏
上枝鬱相繆
仙人饑食棗
玉泉潤咽喉
神靈辟不若
鼓盪激江流
發英孕百寶
散明燭昧幽
天地以爲爐
日月懸清秋
含章鑒至德
寶之萬琳璆

上古民野處
後聖易宮室
淒淒俊風起
渺渺霰雪密
婦子聚而寧
藏蓋禦冬日
不有棟宇興
中澤歲何卒
美哉大庇民
萬世永貞吉

幽蘭麗崇阿光輝炯朝陽白露下衆草長坂淒以霜海寒
多天風鷄鵠日西翔三朝忽復去鐘鼓何煌煌芳馨冠華
樹願登君子堂養之遂其性榮名以爲常

伶倫吹嶰竹后夔擊鳴球鳳皇翩來儀百揆莫不修大樂
非末節同和頌明幽商齊各有宜詩歌載軒輶哀哇競繁
會教衰失溫柔露才突相高記醜衷不由此言太華峰彼
謂潯陽流感物而形聲三百義可求

鳴禽集珍木滿聽彌好音春風不自知生意徧物深飴絲
有機事翩然辭茂林桑土可俯窺但當無其心所以海上
鷗重來去相尋

煌煌齋房芝丸丸新甫柏肅肅饗三神隆隆構上宅豈不
抗瓊材審曲在匠石豈不況嘉瑞所貴在賢德

菊英夕可餐。薜華朝可披。岱畎挺貞幹。疾風裂崔嵬。青蒼始欲凋。萬木亦已萎。猗猗我蘭芳。不采將過時。過時亦可采。惜此春光輝。

題宋高宗瑞應圖

長江匹馬君王渡。貌似先陵臣普誤。艮嶽纔頽石數峯。錦臚又發梅千樹。杯酒深宮未劇乾。青衣躑躅杯行殘。立康乃在十二月。此時北地元冰寒。登臺氣杳襄陽箭。渡河天與投鞭塹。徽倖傳觀七寶鞭。太息銷鎔一鍋麪。前身記否臨華渚。錦衣舊樹淒風雨。人間萬誦表忠碑。地下誰逢陳後主。功臣零落月堂深。根括東南苦告緡。延祥觀裏蕭郎筆。不畫流民畫鬼神。有圖合貌雲臺將有碑。亦在浯溪上吟我中興瑞應詩。厓山夜咽滔天浪。

題馬遠梅花詩思圖

營丘畫筆天下鮮渡江已後數馬遠屢屢風號地爐暖遠
懷泥我紛展轉黑雲沉沉壓西巘屋前屋後梅深淺江南
飽看眼又明元墓春船落行卷詩翁推窗兀獨坐興來杖
策出孤館凝寒酸鼻袖苦短揚瀾吹漂不暇懶雪中非無
剡溪棹橋上自有襄陽蹇禿榦頽唐鱗甲鏟疎枝窈窕白
蕭散便向枝頭墮枯蘚凍羽爭栖合驅遣欲浸殘英老研
冰忽思健步飛霜棧細嗅古甌清入骨對嚼苦茗香生盃
遠之真跡世亦少愛惜沉吟日三展宵寒夢定到平山刊
水爲我浮三版

朱碧山銀槎歌

挂星一段堯時槎太乙兀坐青蓮花通侯黃金如斗大下

士擾擾都泥沙不知犀首日飲酒何如錦城早還家蓬萊
宮中日影斜雞栖騎馬隨昏鴉相呼斗酒不爲薄掃地治
具人無譁香姜瓦上漬新墨隗囂椀中淪新茶席間更出
銀鑿落坐客望古心咨嗟至正四百有餘歲其間典寶難
搜爬孝武之世况千載毋事對酒相聲牙我欲問郭璞因
之嘲木華躡屩旣絕往漂雲浩無涯天壤留名萬萬事嵇
康鍛鼃胡爲耶抱關擊柝者誰子閣閣不住寒更撾來朝
籠燈入直去誰家後會工燭蝦

隗囂盃歌

隗囂故宮盃數枚秦州山農鋤出者杜老吟時殿已空悠
悠忽復千年也白水真人老兵事得隴望蜀心猶且飄燈
小雪照題詩磨墨阿瞞臺上瓦

詠唐花

高罩筠籠密護紗豐臺舊法出堂花方傳漢府三冬菜詩
續唐宮二月瓜小巷趁來春意鬧老人簪後市童誇水邊
未報梅消息風雪長安暮似沙

冬夜

冬夜清寒束燭花照人無睡且煎茶緣詩縱瘦皮非骨學
字差成鶩勝鴉運用前賢疑習氣陶甄古貨忽年華一甌
聽響松風罷起看三星屋角斜

冬日郊行

出城野色撲吟鞍蓼岸蘆汀旋旋寬漸遠人家冰欲結更
添霜氣日隨寒風帘已覺村醪好烟銼懸知市米難節候
正須飛小雪眼明先擬對山看

雪

栖鴉動北林門外雪駸駸窗曉寒更箭雲繁暮歲心搓搏
兒輩喜淒切老人任後日西山路伊誰杖策尋

積雪

流風宛轉逢澹日復相從屑細緣隈入羣輕濕絮重增寒
千里月顯色一山松但有朱橋興朝來定履蹤

二世孫成郡王載銳家藏板